

ಗೋಣಿಕೊಪ್ಪ ಕೊಡವ ಸಮಾಜ (ರಿ).

ಸ್ಥಾಪನೆ : 15-01-2000

ಈ ಯೋಜನೆ ಎನ್ನನೆ? ಎನ್ನಂಗ್ ?

ಕೊಡವ ಪಾಜೆ ಪಿಂಇ~ ನಡ್ಪುರ ವಿಚಾರತ್ ಅಭಿಮಾನಿಯಳಾನ ಅಜ್ಜಿನಿಕಂಡ ಶ್ರೀ. ಮಹೇಶ್ ನಾಚಪ್ಪ, ಶ್ರೀ ಸಣ್ಣವಂಡ ವಿಶ್ವನಾಥ್, ಅಡ್ಡಂಡ ಶ್ರೀ ಕಾರ್ಯಪ್ಪ, ಶ್ರೀ ಕೇಳಪಂಡ ರಾಕೇಶ್ ಅಪ್ಪಯ್ಯ ಇಯಂಗಲೂ ಇಯಂಗಡ ಕೂಟಾಳಿಯಳು ಕೂಡಿತ್ ಪೊಮ್ಮಾಲೆ ಬೊಳ್ಳೆ ಕೂಟಾಂಡ್ ಕೂಡಿಯಾಡಿಯಂಡ್ ನಡ್ತಿಯಂಡ್ ಇಂಜಲ್ಲಿ, ಗೋಣಿಕೊಪ್ಪತ್ ಒರ್ ಕೊಡವ ಸಮಾಜತ್ರ ಅವಶ್ಯಕತೆರ ವಿಚಾರ ಚರ್ಚೆಕ್ ಬಾತ್.

ಗೋಣಿಕೊಪ್ಪತ್ ಸುತ್ತ ಮುತ್ತ ಪೊನ್ನಂಪೇಟೆ, ಅಮ್ಮತ್ತಿ, ವಿರಾಜಪೇಟೆಲ್ ಕೊಡವ ಸಮಾಜ ಉಂಡೇಂಗಿಯೂ, ಗೋಣಿಕೊಪ್ಪತ್ ಕಾರ್ಯ ಚಟುವಟಿಕೆ ಕಮ್ಮಿ.

ಕೊಡವ ಎರ ಸಂಖ್ಯೆಲ್ ವ್ಯಾಪರತೂ, ಕಟ್ಟಡ- ಬೂಮಿರ ಸ್ವಾದೀನತ್ ನೆಲೆ ನಿಂದಿತ್ ಉಳ್ಳ ಬರೇ ಜಾಗ ಗೋಣಿಕೊಪ್ಪ . ಆನಕುಂಡ್ ಇಲ್ಲಿ ಅವಶ್ಯ ಒರ್ ಕೊಡವ ಸಮಾಜ ಬೋಡೂಂಡ್, ಈ ವಿಷಯಕ್ ಒತ್ತನ್ನೆಕ್ ಒರ್ ಮೋಪ್ ಕೂಟ ನಡತ್ ವಕ್ ತೀರ್ಮಾನ ಮಾಡ್ ಚಿ.

ಪೆರಿಯಯಿಂಗಲಾನ ಚೆಕ್ಕೆರ ಪಿ ಸೋಮಯ್ಯ ಇಯಂಗಡ ಅದ್ವಕ್ಷತೆಲ್ ಎಲ್ಲಾ ಸಮಾನ ಮನಸ್ಸಂಗ ಕೂಡಿತ್ ಚರ್ಚೆ ಮಾಡಿತ್ ಎಲ್ಲಾಡ ಒತ್ತಾಸೆಕ್ ಒತ್ತ ಕೊಡ್ತಿತ್, ಗೋಣಿಕೊಪ್ಪತ್ ಕೊಡವ ಸಮಾಜ ಸ್ಥಾಪನೆ ಮಾಡ್ ವದೇ ಸೆರಿ ಎಣ್ಣಿತ್ ಆಡಳಿತ ಸಮಿತಿ ರಚನೆ ಮಾಡ್ ಚಿ.

ಅದ್ವಕ್ಷಂಗಲಾಯಿತ್ ದೇವರಪುರ ಗ್ರಾಮತ್ ಕಾಫಿ ಬೊಳಿಕಾರಂಗಲಾನ ಮನೆಯಪಂಡ ಡಬ್ಬು ಅಯ್ಯಪ್ಪ , ಉಪಾದ್ವಕ್ಷಂಗಲಾಯಿತ್ ಚೆಕ್ಕೆರ ಪಿ.ಸೋಮಯ್ಯ, ಗೌ. ಕಾರ್ಯದರ್ಶಿ ಅಡ್ಡಂಡ ಸಿ ಕಾರ್ಯಪ್ಪ, ಖಜಾಂಜಿ -ಕೇಳಪಂಡ ರಾಕೇಶ್ ಅಪ್ಪಯ್ಯ, ಜಂಟಿ ಗೌ. ಕಾರ್ಯದರ್ಶಿ ಸಣ್ಣವಂಡ ವಿಶ್ವನಾಥ್, ಖಾಯಂ ಆಹ್ವಾನಿತ ಸಲಹೆದಾರಂಗಲಾಯಿತ್ ಅಜ್ಜಿನಿಕಂಡ ಮಹೇಶ್ ನಾಚಪ್ಪ ಇಯಂಗಲೆಲ್ಲ ಕೂಡ್ ನನ್ನೆಕ್ ಸಮಿತಿ ಮಾಡ್ ಚಿ.





ಆದ್ಯ ಸಮಿತಿ ಗೋಣಿಕೊಪ್ಪ ಪಟ್ಟಣ ಸಹಕಾರಿ ಬ್ಯಾಂಕ್ ಸಭಾ ಬಾಡೆಲೂ, ಅಲ್ಲಿಂಜ ಮನೆಯಪಂಡ ಉತ್ತಪ್ಪ ಕಟ್ಟಡತ್ ಕಚೇರಿ ಮಾಡಿತ್ ಮೋಪ್ ಕೂಟ ನಡ್ ತಿಯಂಡ್ ಪುದಿಯ ಕೊಡವ ಸಮಾಜ ಸ್ಥಾಪನೆರ ರೂಪು ರೇಕೆನ ತೀರ್ಮಾನ ಎಡ್ತಂಡ್ ಬಾತ್. ಕೊಡವ ಸಮಾಜಕ್ ಸದಸ್ಯಂಗಳ ಮಾಡ್ವನ್ನಕೆ, ಸಂಸ್ಥೆರ ಸದಸ್ಯಂಗಳಾಪಕ್ ಪ್ರಪಂಚತ್ ರ ಎದೇ ಬಾಗತ್ ಉಳ್ಳ ಕೊಡವಳೂ ಅರ್ಹಂಗ ಎಣ್ಣಿತ್ ತೀರ್ಮಾನ ಆಚಿ. ಇದೇ ಸಂದರ್ಭತ್ ಸಮಿತಿಕ್ ಮೋಪ್ ಕೂಟ ನಡ್ ವಕ್ ಮುಘತ್ತಾಯಿತ್ ಸಭಾಬಾಡೆ, ಕಛೇರಿರ ಬಾಡಿಗಿ ಸಹಾಯ ಮಾಡ್ ನ ಜಮ್ಮಡ .ಸಿ.ಮೋಹನ್, ಪೊನ್ನಿಮಾಡ ಉತ್ತಯ್ಯ ಇಯಂಗಕ್ ನಲ್ಲಾಮೆನ ಬಯಂದವ.

ಸಮಾಜತ್ ಸದಸ್ಯ ಪಣ ಸುಮಾರ್ 9 ಲಕ್ಷತ್ ಕೂಟಕ್ ಆಡಳಿತ ಮಂಡಳಿರ ಸದಸ್ಯಂಗ ಚೆನ್ನ ಜನ ದಾನವಾಯಿತ್ ಉ.6 ಲಕ್ಷ ಕೂಟಕ್ ಗೋಣಿಕೊಪ್ಪತ್ ರ ಪಕ್ಕ ಕೈಕೇರಿ ಗ್ರಾಮತ್ ಶ್ರೀ ಜಮ್ಮಡ ಕರುಂಬಯ್ಯ(ಗಯ) ಇಯಂಗಡ ಅಂಜಿ ಎಕರೆ ಜಾಗತ್ ನ ಒಟ್ಟು 15 ಲಕ್ಷ ಪಣ ಕೊಡ್ತಿತ್ ಖರೀದಿ ಮಾಡ್ಚಿ ಈ ಜಾಗಕ್ ಪೋಪ ಬಟ್ಟೆ ಇಕ್ಕಟ್ಟಾಯಿತ್ ಇಂಜಾನ ಅರಿಂಜಿತ್, ಜಮ್ಮಡ ಶ್ರೀಮತಿ ನೀನಾ ಬೆಳ್ಳಿಯಪ್ಪ ಇಯಂಗಳ ಕೇಟಂಡ ಪೋಲೆ ಅಯಿಂಗ ಅಯಿಂಗಡ ಚೆನ್ನ ಜಾಗತ್ ನ ರಸ್ತೆಕ್ಕಾಯಿತ್ ಮುಘತ್ತಾಯಿತ್ ಬುಟ್ ತಂದಿತ್ ಸಹಾಯ ಮಾಡಿತ್. ಅಯಿಂಗಕ್ ನಲ್ಲಾಮೆನ ಬಯಂದಂಡ್, ಅನ್ನನೇ ಈ ರಸ್ತೆಕ್ ಜಮ್ಮಡ ಬೆಳ್ಳಪ್ಪ ರಸ್ತೆ ಎಣ್ಣಿತ್ ಪೆದ ಇಡ್ ವನ್ನಕೆ ಆಡಳಿತ ಮಂಡಳಿ ತೀರ್ಮಾನ ಮಾಡಿತ್.

ಇದೇ ಜಾಗತ್ ಇಕ್ಕಾಕಲೇ ಒರ್ ಕಣತರೆ, ಬೋವೇಲ್ ನ ಅಕ್ಕತ್ ರ ಜಿಲ್ಲಾ ಪಂಚಾಯ್ತಿ ಸದಸ್ಯಂಗಳಾಯಿತಿಂಜ ಶ್ರೀ ಚೆಪ್ಪುಡೀರ ಅರುಣ್ ಮಾಚಯ್ಯ ಪಿಂಇ~ ತಾಲೂಕ್ ಪಂಚಾಯತ್ ಸದಸ್ಯಂಗಳಾಯಿತಿಂಜ ಶ್ರೀ ವಿ ಎ ವೆಂಕಟೇಶ್ ಇಯಂಗಡ ಸಹಕಾರತ್ ಮಾಡಿತ್.

ಇದೇ ಜಾಗತ್ ಓರ್ ಆಪೀಸ್ ಕಟ್ಟಡತ್ ನ ದಾನಿಯಡ ಸಹಕಾರತ್ ಉ.10 ಲಕ್ಷ ಖರ್ಚಿಲ್ ಕೆಟ್ಟಿತ್.

ಕೊಕ್ಕಲೆಮಾಡ ಮಂಜು ಚಿಣ್ಣಪ್ಪ ಇಯಂಗಡ ಯೂಕೋ ಸಂಘಟನೆರ ಮುತುವರ್ಜಿಲ್ ಇದೇ ಜಾಗತ್ ಓರ್ ಮಂದ್ ತೊರಂದಿತ್. ಮಿಂಇ~ಕ್ ಇದನ ಅಭಿವೃದ್ಧಿ ಮಾಡ್ ವ.





ಸಮಾಜಕ್ಕಾಯಿತ್ ಖರೀದಿ ಮಾಡ್ ನ ಜಾಗತ್ ರ ಆರ್.ಟಿ.ಸಿ ವರ್ಗಾವಣೆಕ್ ಕಾನೂನ್ ಕೊಂದರೆ ಇಂಜಾನ ಅರಿಂಜಿತ್, ಸರಕಾರತ್ ಕೂಡೆ ವ್ಯಹಾರ ಮಾಡಿತ್ ಸಮಾಜತ್ ರ ಪೆದಕ್ ವರ್ಗಾವಣೆ ಆಯಿತ್. ಮಾನ್ಯ ಹೈ ಕೋರ್ಟ್ ವಕೀಲಂಗಳಯಿತಿಂಜ ಶ್ರೀ ಅಜ್ಜಿಕುಟ್ಟೀರ ಕೆ ಸುಬ್ಬಯ್ಯ ಅಯಿಂಗ ಈ ವಿಚಾರತ್ ಸರಕಾರತ್ ರ ಕೂಡೆ ವ್ಯವಹಾರ ಮಾಡ್ ವಕ್ ಬಲ್ಯ ತರತ್ ಸಹಾಯ ಮಾಡಿತ್. ಈ ವ್ಯವಹಾರ ತ್ ನ ಕೊಡವ ಸಮಾಜತ್ ರ ಪರವಾಯಿತ್ ನಿರ್ದೇಶಕಂಗಳಾನ ಚೊಟ್ಟಿಯಾಂಡಮಾಡ ಡಿ ಮಾದಪ್ಪ ಕೂಟ್ ಕಾರಡ ಕೂಡೆ ಜವಾಬ್ದಾರಿ ನ ಚಾಯೋಡೆ ನೀಸಿತ್.

2021-22ನೇ ಕಾಲತ್ ರ ಮಹಾ ಸಭೆಲ್ ಪುದಿಯ ಆಡಳಿತ ಸಮಿತಿ ರಚನೆ ಆಚಿ. ಅದ್ವಕ್ಷಂಗಳಾಯಿ ಶ್ರೀ ಅಜ್ಜಿಕುಟ್ಟೀರ ಚಿಣ್ಣಪ್ಪ ಪೂಣಚ್ಚ, ಉಪಾದ್ವಕ್ಷಂಗಳಾಯಿತ್ ಚೆಪ್ಪುಡೀರ ಶ್ರೀ ಪೂಣಚ್ಚ (ಪ್ರತಿ), ಗೌ ಕಾರ್ಯದರ್ಶಿ ಶ್ರೀ ಚೊಟ್ಟಿಯಾಂಡಮಾಡ ಡಿ ಮಾದಪ್ಪ, ಜಂಟಿ ಗೌ.ಕಾರ್ಯದರ್ಶಿ ಶ್ರೀಮತಿ ಬಲ್ಲಣಮಾಡ ರೀಟ ಅಪ್ಪಯ್ಯ, ಖಜಾಂಜಿಯಾಯಿತ್ ಶ್ರೀ ಕೊಕ್ಕಂಡ ಎ ಬಿದ್ದಪ್ಪ (ಕುಶ) ಅಧಿಕಾರ ವಹಿಸಿಯಂಡತ್

ನಿರ್ದೇಶಕಂಗಳಾಯಿತ್:

1. ಶ್ರೀ ಕಟ್ಟೀರ ಅಚ್ಚಪ್ಪ ಅರಸು
2. ಶ್ರೀ ಪೊನ್ನಿಮಾಡ ಸುರೇಶ್
3. ಶ್ರೀ ಚಿಲ್ಲವಂಡ ದರ್ಶನ್
4. ಶ್ರೀ ಕುಪ್ಪಂಡ ಪೂವಣ್ಣ (ಗಿರಿ)
5. ಶ್ರೀ ಕಂಜಿತಂಡ ಡಬ್ಬು ಪೊನ್ನಪ್ಪ
6. ಶ್ರೀ ಸಣ್ಣವಂಡ ಎಂ ವಿಶ್ವನಾಥ್
7. ಶ್ರೀ ಜಮ್ಮಡ ಸಿ ಮೋಹನ್
8. ಶ್ರೀಮತಿ ಚೆರಿಯಪಂಡ ಇಮ್ಮಿ ಉತ್ತಪ್ಪ
9. ಶ್ರೀಮತಿ ಬಿದ್ದಂಡ ಪ್ರೇಮ ಗಣಪತಿ
10. ಶ್ರೀಮತಿ ಕೊಣಿಯಂಡ ಬೋಜಮ್ಮ ಉತ್ತಪ್ಪ
11. ಶ್ರೀ ಅಜ್ಜಿನಿಕಂಡ ಸಿ ಮಹೇಶ್ ನಾಚಪ್, (ಖಾಯಂ ಆಹ್ವಾನಿತಂಗ)





ಗೋಣಿಕೊಪ್ಪ ಕೊಡವ ಸಮಾಜತ್‌ರ ಮಾಸ್ವರ್ ಪ್ಲಾನ್ ,ಅಂದಾಜ್ ಪಟ್ಟಿ ತಯಾರ್ ಮಾಡಿತ್. ಸಭಾ ಬಾಡೆ, ಉಂಬಳ ಮನೆ, ಬೆಂದು ಬಿಡಾರ, ಎಲ್ಲಾ ಆಯಿತುಳ್ಳ ಪ್ಲಾನ್ ಒಟ್ಟು ಅಂದಾಜ್ 8 ½ ಲಿಂಜ 9 ಕೋಟಿ ಆಯಿತುಂಡ್. ಕಟ್ಟಡ ಕೆಲಸತ್ ನ ಒಂದೋದಾಯಿತ್ ಕೈಕ್ ಎಡ್ತುಂಡ್ ಪೋಕೊಂಡೂಂದ್ ತೀರ್ಮಾನ ಮಾಡಿತ್ ಇಕ್ಕ ಸಭಾ ಬಾಡೆರ ಕೆಲಸ ಮುಕ್ಯಾಲ್ ವಾಸಿ ಆಯಿತ್. ನಿರ್ದೇಶಕಂಗಲಾನ ಶ್ರೀ ಚಿಲ್ಲವಂಡ ದರ್ಷನ್ ರಯಿಂಗ ವೆಬ್ ಸೈಟ್, ಪ್ಲಾನ್, ಎಸ್ವಿಮೇಶನಲೆಜಾಬ್ದಾರಿನ ಚಾಯೋಡೆ ನೀಸಿ ತಂದಿತ್.

ಆದ್ಯವಾಯಿತ್ ಅವಶ್ಯ ಕಟ್ಟಡ ಆನದು, ಮಂದ್ ರ ಅಭಿವ್ರದ್ವಿ, ಮಕ್ಕಕ್ ಕೊಡವ ತಕ್ಕ್,ಆಚಾರ, ವಿಚಾರ,ಸಂಸ್ಕೃತಿ ರ ಕಾರ್ಯಾಗಾರ,ಕೊಡವ ಮ್ಯುಸಿಯಂ,ವೀರ ಕೊಡವ ಪಾರ್ಕ್, ಇನ್ನನೆ ನಂಗಡ ಕೇಳಿನ ಕಾತ್ ಬೆಪ್ಪಂತ ಯೋಜನೆಯೂ ಉಂಡ್.

ದಕ್ಷಿಣ ಕೊಡಗ್ ಲ್ ಕೊಡವಕ್ ಬಾರೀ ಪ್ರಯೋಜನ ಆಪಂತ ಈ ಯೋಜನೆ ಜನಕ್ ಎತ್ತ ಚಿಡೊಂಡುವೇಂಗಿ ಕನಿಷ್ಠ ಮೂಂದ್ ಕೋಟಿ ಉರ್ಪಿಯ ಬೊಂಡು. ಇದಂಗಾಯಿತ್ ನಂಗ ಸರಕಾರತ್ ರ ಕೂಡೆ ವ್ಯವಹಾರ ಮಾಡಿಯುಂಡ್ ಉಂಡ್. ಅಲ್ಲತೆ ದಾನಿಯಳೂ ನಂಗಡ ಕೂಡೆ ಕೈ ಕೂಟ್ ಚೇಂಗಿ ಮಾತ್ರ ಇಚ್ಚಕ್ ಬಲ್ಯ ಯೋಜನೆನ ಕಾರ್ಯ ರೂಪಕ್ ಎಡ್ತ ಬಪ್ಪ ಕೈವೋ. ಹಾಲಿ ಮೆಂಬರ್‌ಶಿಪ್ ಪಣ 2100.00 ಆಯಿತುಂಡ್. ಎಲ್ಲಾ ಅಭಿಮಾನಿ ಕೊಡವಳ ಈ ಅಭಿವ್ರದ್ವಿ ಕಾರ್ಯತ್ ಲ್ ನಂಗಡ ಕೂಡೆ ಕೈ ಕೂಟೊಂಡೂಂದ್ ಕೇಟವ. ಇಂದೇತ್ ರ ನಂಗಡ ಪ್ರಯತ್ನ್ ನಾಳೆ ನಂಗಡ ಮಕ್ಕತಲೆಲ್ ಕೊಡವ ಪಾಜೆ,ಸಂಸ್ಕೃತಿ,ಅಭಿಮಾನ ನೆಲೆ ನಿಪ್ಪಕ್ ಸಹಾಯ ಆಪಾಂದ್ ನಂಗಡ ಆಶೆ.

